

Балгъсна партийн активин хург

Одахн Элст балгъсна партийн болн эдл-ахугъин активин хург цугълрдж, „Промышленность болн тосхлт заллгъна бұрдәлгъиг цааранднь ясрулхин тускар“ ур Н. С. Хрущевин докладин тезисмұдәр кұундвр кецхäv.

Эн тōрәр доклад кесн балгъсна партийн комитетин негдгч сегләтр ур Трубицын, промышленность болн тосхлт заллгъна бұрдәлгъиг ясрулхин туск кōдлмшд цань уга ик чинр мана партъ болн правительств òгчәхинь темдглдж келв.

Ур Н. С. Хрущевин тезисмұдин тускар, эврәннь практическ селвгән òгч хургт цугълрсн улсас олн кұн босдж ұг келцхäv. Эдн дотр ұурмұд: Манджикаев (Хальмг потребсоюз), Менглинов („1май“ артель), Богатырев (ремстройконторин прораб), Буров (балгъсна благоустройствин от-

дел), Киселев (реммастерскойин парторганизацин сегләтр), Семибратов (тосхлтин управленә ахлач), нань чигн.

Промышленность болн тосхлт заллгъна бұрдәлгъиг цааранднь ясрулхин туск докладин тезисмұдиг эдн цугтан зōвшәрв. Эднә заадж келсн практическ селвг дотр, балгъсна тосхлтин организацисиг негдұлхмн, промкомбинатин болн „1 май“ артелин кōдлмшинь хұврұлхмн, мана танъгъчд ноосн, ұснә фабрик, заводс тосххмн гисн болн нань чигн селвг келгдв.

Партийн болн эдл-ахугъин активин хург Н. С. Хрущевин докладин тезисмұдиг чик гидж тоолад, кұундврт келгдсн тоот практическ селвгиг негдұлад, дигләд деер бәәх партийн органд дару цагт орулдж òгтхә гидж партийн балгъсна комитетд даалгъв.